



**Minneapolis Lub Tuam Tsev Hauj Lwm  
Ntsig Txog Tub Ceev Xwm  
Phau Ntawv Qhia Siv Txoj Cai thiab Txheej  
Txheem**

Nab Npawb:  
7-1000

**Xuv Xya – Cov Kev Ua Hauj Lwm Sab Nrauv**

**Cov Neeg Uas Muaj Kev Xiam Oob Qhab thiab Kev Txawj Lus Askiv Uas Muaj  
Ciam Txwv**

**7-1002      Kev Sib Txuas Lus Nrog Rau Cov Neeg Uas Tsis Hnov Lus los sis Hnov  
Lus Tsis Zoo**  
(02/08/96) (12/05/08) (05/06/15)

(A)

Nws yog txoj cai ntawm Minneapolis Lub Tuam Tsev Hauj Lwm Ntsig Txog Tub Ceev Xwm (Minneapolis Police Department) uas yuav tau muab cov kws txhais Lus Mes Kas Piav Tes rau cov neeg uas tsis hnov lus los sis hnov lus tsis zoo uas tau thov. Thaum paub tias tej zaum tus neeg ntawd tsis hnov lus los sis hnov lus tsis zoo, MPD cov neeg ua hauj lwm yuav tsum ceeb toom rau tus neeg ntawd tias muaj cov kws txhais lus piav tes yam tsis xam nqi thiab tias tej zaum yuav siv sij hawm li ib teev mas tus kws txhais lus thiaj li tuaj txog. Dhau li no lawm cov neeg ua hauj lwm kuj tsim nyog nug tus neeg uas tsis hnov lus los sis hnov lus nyuaj ntawd tias nws xav tau tus kws txhais lus los sis cuab yeej pab rau kev hnov lus thiaj li los sib txuas lus.

Yog tias tus neeg uas tsis hnov lus los sis hnov lus tsis zoo qhia txoj hauv kev sib txuas lus, ces MPD cov neeg ua hauj lwm tsim nyog ua raws li qhov lus qhia. Cov neeg ua hauj lwm tsis tas yuav siv tus neeg uas tsis hnov lus los sis hnov lus tsis zoo tus phooj ywg los sis ib tug neeg hauv tsev neeg los txhais lus sawv cev nws.

Yog tias txiav txim tias yuav tsum tau muaj tus kws txhais lus, ces cov neeg ua hauj lwm yuav saib Cov Lus Qhia LEP uas muaj nyob rau hauv MPD Net raws li Cov Ntawv Qhia Siv thiab Cov Lus Qhia rau lub Nroog cov neeg muag khoom uas muaj ntaub ntawv cog lus tshwj xeeb txhawm rau thov qhov kev pab cuam kws txhais lus. Yog tias tsis tas yuav muaj tub ceev xwm li kev nqis tes tam sim ntawd, ces tej zaum cov neeg ua hauj lwm yuav muab kev teem caij qhov kev xam phaj los sis kev teem caij sib ntsib txhawm rau suav nrog tus kws txhais lus, rau hnuv tim thiab lub sij hawm uas tuaj yeem sib pom zoo tuaj tom qab.

Ua ntej tus kws txhais lus tuaj txog, cov neeg ua hauj lwm tsis tsim nyog mloog tus neeg uas xav tias muaj kev txhaum li lus qhia, muab cov kev ceeb toom Miranda los sis ua lwm cov kev sib tham uas tej zaum yuav raug siv nyob rau hauv lub tsev hais plaub. Ncuaj sij hawm cov xwm txheej maj ceev, yuav muaj kev muab tus kws txhais lus tom qab qhov xwm txheej maj ceev xaus.

Cov tub ceev xwm uas tau txais lub luag hauj lwm los teb cov tsheb 911 muaj qhov kev txiav txim uas yuav txiav txim tias seb puas nyob nrog tus neeg uas tsis hnov lus los sis hnov lus nyuaj

thaum tos tus kws txhais lus tuaj txog. Yog tias tsis muaj kev tso hem thawj txog kev phom sij tam sim ntawd thiab tus neeg ntawd tau thov tus kws txhais lus, ces cov tub ceev xwm tsim nyog txib kom lawv mus rau ntawm cheeb tsam uas ze tshaj plaws uas yuav ua qhov kev xam phaj thaum tus kws txhais lus tuaj txog. Cov tub ceev xwm yuav rov qab mus rau ntawm cheeb tsam thaum tus neeg uas tsis hnov los sis hnov lus nyuaj thiab tus kws txhais lus nyob rau ntawd.

Thaum ntsib tus neeg uas tsis hnov lus los sis hnov lus nyuaj, cov tub ceev xwm tsim nyog sau tseg tus neeg ntawd li kev tsis hnov lus rau hauv daim ntawv tshaj tawm CAPRS. Tsim nyog tsom kwm saib tej cov kev nqis tes raws li cov lus qhia uas tau ua txhawm rau muab yam pab kev yooj yim rau kev sib txuas lus. Yog tias tau thov tus kws txhais lus, daim ntawv tshaj tawm CAPRS tsim nyog muaj lub sij hawm uas tau thov tus kws txhais lus thiab lub sij hawm uas tus kws txhais lus pib txhais lus. Dhau li no lawm, cov teeb meem uas tshwm sim los ntawm kev muab tus kws txhais lus uas muaj kev txawj tsim nyog - tsim nyog raug sau tseg rau hauv daim ntawv tshaj tawm CAPRS, yog tias muaj, thiab Tus Neeg Lis Hauj Lwm LEP yuav tau txais kev ceeb toom los ntawm xov tooj (673-2338), daim ntawv sau tseg, los sis email.

MPD cov neeg ua hauj lwm tsim nyog nug cov lus nug thiab cov kev txhawj xeeb txog kev sib txuas lus nrog rau cov neeg uas tsis hnov lus los sis hnov lus nyuaj rau Tus Neeg Lis Hauj Lwm LEP.

### **Cov Lus Qhia Txog Kev Sib Txuas Lus**

Raws li ncuav dav lawm, thaum sib txuas lus nrog rau cov neeg uas tsis hnov lus los sis hnov lus nyuaj uas tsis muaj tus kws txhais lus, cov neeg ua hauj lwm tsim nyog paub txog cov txuas mus no:

- Tig ntsej muag rau tus neeg ntawd; nws thiaj li paub mloog koj. Tig ntsej muag rau qhov kom pom kev.
- Sib txuas lus ncaj nraim nrog rau tus neeg uas tsis hnov lus los sis hnov lus nyuaj ncaj nraim; ceev cia kev sib ntsia qhov muag.
- Siv cov kev piav tes piav taw thiab cov kev qhia tawm ntawm tsej muag. Tsis txhob txwv kev siv ob txhais caj npab tib si (tshwj tsis yog muaj kev tsim nyog txhawm rau ceev kev nyab xeeb ntawm tus tub ceev xwm).
- Muab tus cwj mem qhuav thiab daim ntawv rau tus neeg ntawd, los sis yog tias muaj, ces siv lub khoos phis thawj. (02/08/96) (12/05/08)
- Tej zaum yuav tau muaj kev sib txuas lus sau ua ntaub ua ntawv ntxiv txhawm rau ua kom nkag siab. Lus Mes Kas Piav Tes yog ib hom lus uas muaj tus qauv kab lus thiab lo lus ua siv txawv li Lus Askiv. (02/08/96) (12/05/08)